

Raporto de AGEI, Landa Sekcio de ILEI por 2011

Bonvolu legi la aldonitajn konsilojn pri plenskribo. Limdato por raporti: Mar 31, 2012.

Nomo kaj mallongigo en Esperanto:

Asocio de Germanaj Esperanto-Instruistoj / AGEI

Nomo kaj mallongigo nacilingve:

_____ X sama kiel pasintjare

Jaro de fondo / Jaro de aliĝo al ILEI:

_____ / _____ X sama kiel pasintjare

Jura statuso:

_____ X sama kiel pasintjare

Se la sekcio havas juran registriĝon, bv. doni la lokon, instancon kaj daton de tiu registriĝo.

Rilato kun Landa Asocio de UEA:

_____ X sama kiel pasintjare

Ekz.: ĉu integra parto, en kunlaboraj rilatoj aŭ plene sendependa de ĝi?

Membro-nombro fine de 2011:

Sume: ____84____. Detale: paperaj ____78____, retaj ____6____, aliaj (HM,DM) _____.

Bv. informi nin se vi havas enlandajn membrojn, kiuj ne apartenas al ILEI-internacia.

6 familianoj kun sama adreso, kiuj ne pagas plenan membrokotizon kaj ne ricevas IPR de ILEI, do la landa listo enhavas 90 membrojn.

Nombro da rajtigitaĵ / nomumitaĵ komitatanoj por 2012:

____4____. Per aparta deklaro vi nomumi ilin!

(kalkulo laŭ membronombro fine de 2011: 5-14: **1**; 15-34: **2**, 35-49: **3**, pli ol 50: **4**.)

Retejoj kaj kontaktiloj sekciaj:

Oficiala hejmpaĝo: <http://esperanto.de/agei>

Oficiala ret-adreso: zsofia.korody@esperanto.de

Ĉe la retadreso bv. diri al kiu funkciulo ĝi indikas. Se vi havas retejon,

kiu prizorgas ĝin: Zsófia Kóródy

kiomofte vi ĝisdatigas ĝin: laŭ bezono, se estas gravaj novaĵoj aŭ gravaj ŝanĝoj

kiujn planojn vi havas ampleksigi ĝin?

Se ne, ĉu vi planas lanĉi retejon? Ĉu vi farus tion, se vi havus teknikan helpon de aŭ pere de ILEI?

Ĉu via sekcio havas retgrupon: ____jes____

Se jes, ĉu vi pretas permesi al la internacia ILEI dissendi rekte mesaĝojn al viaj membroj? ne

Se ne, kiel vi plusendas al viaj membroj mesaĝojn de ILEI? prezidanto de AGEI, Zsófia Korody plusendas mesaĝojn al la listo

Revuo sekcia:

_____ X sama kiel pasintjare

Se via sekcio eldonas fizike presatan aŭ retan bultenon, bv. doni ĝian nomon, redaktoron, retadreson, oftecon kaj amplekson.

Enlanda membrokotizo:

_____25 EUR, pro la altigita ILEI-kotizo ekde 2012 restas 5 EUR/membro por landa agado Se la enlanda kotizo estas pli ol la internacia, bv. indiki kiun parton vi retenas por landa agado.

Nuna estraro de la sekcio:

_____ X sama kiel pasintjare

Laŭeble aldonu retadresojn, adresojn kaj funkciojn.

Mandato-periodo, tempo de la sekvaj elektoj:

_____ X sama kiel pasintjare

=== **Agado** ===

6 ĝis 10 linioj da klarigoj bonvenas; ligoj al pli longaj raportoj bonvenas.

AGEI estas komunutila asocio, agadas por interkompreniĝo de popoloj, eduko al paco kaj toleremo. La asocio helpas la lernejan kaj universitatan instruadon de Esperanto, proponas internaciajn amikajn kontaktojn inter lernantoj de Esperanto, instigas al internacia interŝanĝo de lernantoj, zorgas pri trejnado de Esperanto-instruistoj, ellaboras kaj disvastigas esperantajn instru- kaj ekzamenmaterialojn, rekomendas lingvajn ekzamenojn ankaŭ laŭ internaciaj normoj, kunlaboras kun similaj internaciaj fakorganizaĵoj, estas alparolpartnero por la ministerio pri edukado rilate al Esperanto-instruado.

AGEI organizas fakajn kunvenojn, instigas al verkado de fakaj artikoloj kaj fakliteraturo, donas fakajn servojn al siaj membroj.

Gravas ankaŭ la konsultado pri instruagado, metodika-didaktika helpo por gekolegoj, spertinterŝanĝo pri lerneja kaj eksterlerneja Esperanto-instruado.

Propraj aranĝoj dum 2011:

Torpedo-7, Tradicia Oktobra Renkontiĝo Pedagogia: pedagogiaj tagoj por klerigado, faka pluklerigado, spertinterŝanĝo inter gekolegoj.

En 2011 TORPEDO-7 estis samtempe ILEI-seminario pri kunlaboro inter edukcentroj kaj bibliotekoj. Tiu temo vekis grandan intereson kaj donis eblon al la gekolegoj por spertinterŝanĝo kaj planado de kunlaboro por fortigi landajn kaj internaciajn agadojn, instruprojektojn por Esperanto.

Aranĝoj de aliaj kie la sekcio aperis:

Dum Germana Esperanto-Kongreso en Münster AGEI havis sian jarĉefkunvenon, kiun ĉeestis ankaŭ Stefan MacGill, prezidanto de ILEI. Temis ankaŭ pri preparlaboroj por festi la jubilean jaron, la 125an datrevenon de Esperanto. Krom tio multaj membroj partoprenis en la prelego de Zsófia Kóródy, AGEI-prezidanto kaj Peter Zilvar de Interkultura Centro Herzberg. En formo de prelegoj kaj laborgrupo estis prezentitaj sukcesaj EU-projektoj: Kiel plani, prezenti kaj efektivigi projektojn? Kiel akiri subvencion por lerneja kaj eksterlerneja Esperanto-instruado? Prezento, fotoj, filmoj pri realigitaj Comenius kaj Grundtvig-projektoj. Sukcesa internacia

kunlaborado de lernejoj, instruistoj kaj plenkreskuloj, kontaktoj kun alilanda amikaro, rezultodona trejnado, instrukapabligado, engaĝo de la generacio 55+. Personaj spertoj, travivaĵoj, interŝanĝo de ideoj, diskutado pri projektproponoj, planoj.

Reprezentanto (prezidanto) de AGEI, Zsófia Kóródy partoprenis ILEI-konferencon en Kopenhago.

Propraj projektoj dum 2011:

Preparlaboro por organizi en 2012 agnoskitan klerigsemajnon, lingvolernadon (Bildungsurlaubswoche) kadre de popola altlernejo (KVHS) en Osterode. Ellaboro de alvokteksto kaj detala priskribo de la enhavo.

Projektoj de aliaj en kiuj la sekcio kunlaboris:

Ellaboro de Comenius-projekto kun partneroj el Portugalio, Italio, Pollando kaj Rumanio. Bedaŭrinde ne ricevis aprobon, sed la kontaktoj kun tiuj lernejoj daŭras. Kunsidon ni havis dum UK en Kopenhago, portugala lerneja grupo venos al PSI, la pola partnero kun malgranda grupo vizitos Herzberg en junio 2012.

Varba agado en Esperanto kaj naciaj lingvoj:

Ekz. AGEI starigis informbudon dum la fama, granda, instru-rilata ekspozicio DIDACTA 2011 en Stuttgart. Dank' al deĵorantaj gekolegoj la atento estis vekita por Esperanto kaj pluraj adresoj de interesiĝantoj pri Esperanto estis kolektitaj. AGEI dankas al Fondaĵo Mondo kaj GEA pro la subteno de tiu varbagado.

Bona varbado estas la anoncoj pri Esperanto-kursoj en la programkajeroj de Popolaltlernejoj (VHS). Tiuj atingas dek-, eĉ centmilojn da legantoj, familiojn, vastan publikon. Eĉ se poste ne realiĝos kurso pro manko de sufiĉaj partoprenantoj, la legantoj povas vidi, ke Esperanto vivas.

Esperantlingva varbado por membriĝo okazadas ekz. dum grandaj Esperanto-renkontiĝoj, kongresoj enlandaj, dum studsesioj aranĝataj en Germana Esperanto-Centro/Interkultura Centro Herzberg.

Sekciaj kontaktoj kun ne-esperantistaj organizoj kaj projektoj:

AGEI kunlaboras kun Interkultura Centro Herzberg kaj la popolaltlernejo (VHS) de Osterode ekz. por organizado de feriotempa studsemajno.

En 2011 la unuan fojon sukcesis organizi intensan, 40 horan tutsemajnan kurson, kiu estas agnoskita de la Edukministerio kaj por kiu la partoprenantoj povas ricevi pagitan feriotempon de siaj laborlokoj. La lernado okazis en du grupoj: por komencantoj kaj progresemluloj.

Ankaŭ en aliaj urboj okazadis alvokoj per regionaj popolaltlernejoj, kiuj anoncas lingvokursojn, inter ili ankaŭ Esperantan.

Konata E-instruado en via teritorio:

Vidu liston de lernejoj (bazaj kaj mezgradaj) kaj universitatoj ĉe edukado.net. Menciindas la regula Esperanto-instruado en elementa lernejo, en la gimnazio kaj en la meza lernejo en Herzberg am Harz.

Granda sukceso en universitatnivela edukado estas la lernogrupejoj en Universitato Emden, kie

en la aŭtuna semestro de 2011 ĉ. 100 studentoj konatiĝis kun Esperanto kaj pluraj el ili elektis ankaŭ la sekvasemestran daŭrigan fazon.

Ankaŭ en Münster kaj Stuttgart regule okazas Esperanto-kursoj.

Aliaj atingoj en 2011

Unika evento: Interkultura Centro Herzberg (ICH) peris kontaktojn inter alternativa lernejo en Koreio kaj Haupt- und Realschule (meza lernejo) en Herzberg. ICH organizis 5-semajnan studvojaĝon por 10-membra lerneja klaso el Suda Koreio. 8 gelernantoj kaj 2 instruistoj vizitis laŭ speciala horaro studhorojn en la lernejo, kaj prezentis kulturprogramojn kaj tie, kaj en kluboj, eĉ sur la ĉefplaco en la urbo.

Fortiĝis Esperanto-instruado en gimnazio en Erfurt. Ili pretigis tradukon de faldfolio pri la lernejo kaj akceptis la korean junulgrupon en la lernejo, organizis urborigardadon.

Bona atingo en 2011 estis ankaŭ la regula informado de nia membraro, kaj la restanta membronombro de nia asocio.

.../ILEI/Sekcioj/OLS11 enketila modelo.doc

Aneksa: Konsiloj por plenskribado.

Konsiloj por plenskribado de la enketilo:

Ni antaŭdankas pro via kunlaboro raporti al ni. Ni memorigas vin, ke ĉiujara raportado estas laŭstatuta devo de ĉiu sekcio!

Ni starigas demandojn, por ke ni arigu bazajn informojn. Se tiuj ne ŝanĝiĝis kompare kun 2009 aŭ 2010, nur hoku la keston, por ne reskribi ĉion. La raporto el 2010 konsulteblas en nia ILEI-retejo www.ilei.info sub "Instancoj/Sekcioj". La sugestoj pri raporto-longo estas nur proponoj, skribu tiom multe aŭ malmulte, kiom vi povas aŭ volas. Se iu demando ne validas por via sekcio, lasu ĝin sen respondo.

Ni promesas, ke viaj respondoj, post redaktado estos publikigitaj rete, ne nur por la komitato kaj membraro, sed por ĉiu, kiu interesiĝas.

La lokoj markitaj per linio _____ estas la lokoj kie vi entajpu viajn respondojn.

Bonvolu sendi la dosieron, en formato rtf aŭ doc au PDF, al la sekretario kaj prezidanto:

ilei.sekretario@gmail.com

stefan.macgill@gmail.com

La temlinio de via mesaĝo kun la alkroĉita dosiero komencu per "LS11" kun aldono de via landnomo.

Bv. ne ŝanĝi la litertipon aŭ grandon. La litertipo estas Tahoma je 12pt, kio estas unikod-konforma, do kapablas trakti la Esperantajn supersignojn.

Tahoma estas vaste uzata; se vi ne ne havas ĝin, petu ĝin de ni, aŭ uzu Arial. Se vi ial ne kapablas krei unikodajn supersignitajn literojn, bv. uzi "x" post la koncerna litero – ne uzu malunikodajn 'solvojn'.

Ni celas per tio kiel eble plej aŭtomatigi la pretigon de la reporto, kaj kalkulas je via helpo – ILEI ja ne havas centran oficejon!

Ni sendas la enketilon en formato PDF. Tio estas ĉefe por ke vi kontrolu la aspekton de la dokumento en RTF. Verŝajne al vi malfacilos plenskribi la PDF dosieron.

Antaŭdanke:

HUANG Yinbao (Trezoro), sekretario de ILEI

Stefan MacGill, prezidanto de ILEI

PS: Ni ne petas nun vian plej freŝajn deklarojn pri la membroj en 2012, tion ni traktos per aparta mesaĝo. Tio tamen devos okazi baldaŭ, por ke viaj novaj membroj ricevu IPR 2012/1 senprokraste. Ĝis marto 31, 2012 la membroj devas esti deklaritaj kaj pagitaj!).

PPS: Bonvolu memori, ke la ĉiujara raportado estas Statuta devo de ĉiu sekcio!